



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

III. Erzbischof Wigmann von Magdeburg weiht die Marienkirche zu
Leitzkau, am 13. September 1155.

Nutzungsbedingungen

[urn:nbn:de:hbz:466:1-54716](#)

III. Erzbischof Wigmann von Magdeburg weiht die Marienkirche zu Leizkau,
am 13. September 1155.

Wichmannus, D. G. Episcopus, tam presentibus quam futuris notum esse cupio, quod ego a confratre nostro Wigero, Venerabili Brandenb. episcopo, et a dilecto nostro Preposito Lamberto, invitatus et multum rogatus, ad consecrandam basilicam in Monte S. Mariae virginis Litzka, quam ego predictus Episcopus laeta celebritate, presentibus Marchione Alberto, cum uxore sua et filiis Ottone, Hermanno, Sigfrido, Henrico, Adelberto, Theodorico, et multis aliis Christi fidelibus, tam clericis, quam laicis, in honorem Dei Genetricis et virginis Mariae et S. Petri et S. Eleutheri, Episcopi et Martyris, quem tunc de Magdeburgk, in patronum adduci concessimus, et aliorum multorum Sanctorum consecravimus etc. Preterea duas decimas integras, excepta parte tertia, quae parochiano presbytero persolvitur, in duabus villis, de bonis Marchionis Adalberti in Dorneburg, pertinentibus fratri nostro Wigero, Episcopo, pro eterna remuneratione datas etc. Actum A. MCLV. Indict. III. Epacta XXVII. concurrente V. Idus Septembr.

Buchholz I, 421. No. 19. Beckmann Ann. Geschichte I, 504.
Die Urkunde ist nur in diesen unvollständigen Mittheilungen bekannt.

IV. Markgraf Albrecht schenkt dem Kloster U. L. Frauen in Magdeburg das Dorf Brithzin,
einen Theil der Elbinsel, einen Hof in Magdeburg und das Dorf Moße, um das Jahr 1155.

In nomine Sancte et Individue trinitatis. Adelbertus, diuina fauente clementia Brandenburgensis marchio. Nouerit fidelium tam presentium quam futurorum vniuersitas, qualiter ego adelbertus, dei gratia Brandenburgensis marchio, cum dilecta michi coniuge Sophia tam pro salute nostra quam predecessorum et posterorum nostrorum largitione legitime possessionis nostre tam hereditarie quam adquisite prebendam canonicorum ecclesie beate Marie Magdaburg augmentare curauimus. Vnde et obtuli eidem ecclesie voluntario afferu filiorum meorum, heinrici canonici Sancti Mauriti in Magdaburg, Ottonis Marchionis, hermanni, adelberti, Theoderici et Bernhardi, Comitum, Villam Brithzin cum omnibus jure ad eam pertinentibus, molendinis et aquarum decuribus, exitibus, redditibus ceterisque pertinentiis suis et utilitatibus tam agrorum quam nemorum. Preterea insule eidem ville adiacentis inter duas albis refluxiones partem michi pertinentem, excepta media parte filie, per nos fratribus de Liezeche collata. Nichilominus pari modo obtuli villam Clutzowe cum omnibus appendiciis suis et utilitatibus tam agrorum quam nemorum: Curiam quoque in Magdaburg predice ecclesie contiguam: ad hec supra dicta villam Moße cum omnibus terminis suis, quam ab ecclesia Beati Mauricij in beneficio habui, domino meo Conrado Archiepiscopo Magdeburgensi ecclesie beate marie tradendam resignavi et ut traderetur obtainui. Decimationem quoque eiusdem ville iusto concambio ab halberstadiensi ecclesia commutatam necnon et decimationem in volcmaresthorp equali modo per manus episcopi eidem Ecclesie obtuli et memorato archiepiscopo banno suo confirmante idoneo testimonio in perpetuum stabiliui. Statui etiam, ut post decesum meum, si quis filiorum posteriorum meorum maior natu extiterit, Aduocatiam super omnia hec uice mea teneat neque ipsam cuiquam